

" মিষ্টি মিষ্টি বাচ্চারা - এই সময় তোমরা নিজেকে বাবার কাছে সমর্পণ করো , তাহলে ২১ জন্মের জন্য তোমরা সদা সুখী হতে পারবে । "

প্রশ্ন :- জ্ঞানী বাচ্চাদের নিজেদের অবস্থাকে ঠিক রাখার জন্য কোন্ অভ্যাসকে পাকা করতে হবে ?

উত্তর :- সকাল সকাল ওঠার অভ্যাস করা । খুব ভোরে উঠে বাবার স্মরণে বসতে হবে । এই ধারণা খুবই সুন্দর । যে সব বাচ্চারা তাড়াতাড়ি শোয়ার অভ্যাস করে এবং অমৃতবেলায় উঠতে পারে , তাদের অবস্থা সারাদিন ঠিক থাকে । অজ্ঞানী লোকেদের ঘুমের পরিমাণের থেকে জ্ঞানী লোকেদের ঘুমের পরিমাণ অর্ধেক হওয়া উচিত । রাত ১০ টার মধ্যে ঘুমানোর অভ্যাস করো আর ২ টোর সময় উঠে বাবার স্মরণে বসো ।

গান :- মুঝকো সাহারা দেনে ওয়ালে .....

ওম্ শান্তি । বাচ্চারা সব বাবার সামনে বসে আছে , তাই তারা জানে যে আমরা হলাম জীব আত্মা। এখানে তো সব জীব আত্মাই হবে তাই না ? যখন আত্মাদের শরীর থাকে না তখন তাদের অশরীরী বলা হয় । তোমরা তো শরীরের সঙ্গে এখানে বসে আছো । আত্মা বা পরমাত্মা যতক্ষণ না কোনো শরীরে প্রবেশ করে ততক্ষণ কোনো কথাই বলতে পারে না । তোমরা জীব আত্মারা সকলেই জানো যে তোমরা এখন বাবার সামনে বসে আছো । ঠিক একইরকম ভাবে ৫০০০ বছর আগেও তোমরা এইভাবেই বাবার সামনে বসে ছিলে । বাচ্চারা তো অবশ্যই বাবার থেকেই বর্ষা বা সম্পত্তি নেবে । তারা জানে যে তারা পরমপিতা পরমাত্মা বেহাদের বাবার সামনে বসে আছে । কিন্তু কেন বসে আছে ? বাবার থেকে বেহাদের বর্ষা নেবার জন্য । যেমন লৌকিক জগতে বাচ্চারা যখন স্কুলে পড়ে তখন তারা বোঝে যে , আমরা শিক্ষকের দ্বারা ইঞ্জিনিয়ারিং বা ব্যারিস্টারীর পড়া অভ্যাস করছি । তাদের জীবনের এই লক্ষ্য থাকে । তোমরা বাচ্চারা জানো যে , পরমপিতা পরমাত্মা তোমাদের ব্রহ্মার শরীরের মাধ্যমে রাজযোগ শেখাচ্ছেন । ভগবান উবাচঃ - বাচ্চাদের তো এই কথা বোঝানো হয়েছে যে , একমাত্র নিরাকারকেই ভগবান বলা হয় । জীব আত্মারা অবশ্যই পুনর্জন্ম গ্রহণ করে । যে কোনো সন্ন্যাসীদের তোমরা জিজ্ঞাসা করো .....মানুষ কি পুনর্জন্ম গ্রহণ করে ? তাহলে সন্ন্যাসীরা এই উত্তর দেবেন না , যে মানুষ পুনর্জন্ম গ্রহণ করে না । না হলে ৮৪ লাখ জন্মের হিসেব তারা কি করে দেয় ? তাদের জিজ্ঞাসা করো .....তোমরা কি পুনর্জন্মকে মানো ? এ তো বরাবরই মানুষ জানে যে , আত্মারা তাদের সংস্কার অনুসারে এক শরীর ছেড়ে অন্য শরীর গ্রহণ করে । এমনই কিছু কিছু মানুষ ৮৪ জন্ম গ্রহণ করে । ৮৪ লাখ জন্মের তো কোনো কথাই নেই । প্রথম জন্ম কিন্তু তোমাদের খুবই ভালো এবং সতোপ্রধান হয় । আবার শেষ জন্ম তোমাদের ছি ছি তমোপ্রধান হয় । ১৬ কলা থেকে তোমরা ১৪ কলা , ১২ কলা এইভাবে নামতে থাকো , তাহলে পুনর্জন্ম তো অবশ্যই হয় । তোমাদের সন্ন্যাসীদের জিজ্ঞাসা করা উচিত .....আত্মা , পরমপিতা পরমাত্মা কি পুনর্জন্ম গ্রহণ করেন, না তিনি পুনর্জন্ম রহিত ? এ কিন্তু খুবই সূক্ষ্ম সূত্র । যদি বলে যে পরমপিতা পরমাত্মা জন্ম মরণ রহিত , তাহলে শিবজয়ন্তীর কথা তো সিদ্ধ হবে না । মানুষ তখন বলবে শিবজয়ন্তী তো পালন

করাই হয় । তখন তোমাদের বোঝাতে হবে যে , শিবজয়ন্তী তো অবশ্যই পালন করা হয় , কিন্তু জন্মের সঙ্গে সঙ্গে যে মৃত্যুর কথা বলা হয় , তা এখানে হয় না । যদি পরমাত্মার মৃত্যু হয় তাহলে তাঁকে তো পুনর্জন্ম নিতেই হবে । কিন্তু বাবা কখনো পুনর্জন্ম গ্রহণ করেন না । বাবা ব্রহ্মার শরীরে একইবার আসেন ,কিন্তু কখনো পুনর্জন্মতে আসেন না । পরমপিতা পরমাত্মা শিববাবা হলেন পুনর্জন্ম রহিত , তিনি কখনোই সতোপ্রধান থেকে তমোপ্রধানে পরিণত হন না । কিন্তু আত্মারা জন্ম মরণে এসে পতিত হতে থাকে, অবশেষে বাবা আসেন তোমাদের পবিত্র বানাতে । এর থেকে এই কথাই সিদ্ধ হয় যে আত্মাই পতিত হয় , আত্মা তার ঘর থেকে পবিত্র অবস্থায় এই পৃথিবীতে আসে , কিন্তু মায়া তাদের ধীরে ধীরে পতিত বানিয়ে দেয় । শিববাবা তো কখনোই তোমাদের পতিত বানাবেন না । বাবা কখনোই বাচ্চাদের খারাপ মত দেন না । কিন্তু এখন বর্তমান দুনিয়ার মানুষ পতিত মত বা খারাপ মত প্রদান করে । এখন পরম পবিত্র বাবা তোমাদের বলছেন , বাচ্চারা , তোমরা পতিত জীবনে যেও না অর্থাৎ বিকারে যেও না । রাবণের মতে চলে এই পৃথিবী দুঃখধামে পরিণত হয়েছে । প্রথমে ( সত্যযুগে ) কিন্তু সুখধাম ছিলো । এমন তো নয় যে বাবাই তোমাদের সুখ - দুঃখ প্রদান করেন । না , কখনোই নয় , বাবা কখনো বাচ্চাদের দুঃখের মত দান করেন না । মায়া তোমাদের সমস্ত দুঃখ দেয় । এই মায়ার উপর জয় লাভ করলেই তোমরা জগতজীত হতে পারবে । মানুষ মায়ার অর্থ ঠিকভাবে বোঝে না । তারা ধনকেই মায়া বলে দেয় । মানুষ বলে না , এর মায়ার নেশা অনেক বেশী । কিন্তু এই মায়ার কোনো নেশা হয় না । সত্যযুগে কেউ রাবণের প্রতিমূর্তি ( ভূত ) বানিয়ে জ্বালায় না । এই প্রতিমূর্তি বা ভূত তো শত্রুদের বানানো হয় । রাবণ রাজ্য দ্বাপর থেকে অর্থাৎ দ্বাপর আর কলিযুগ এই অর্ধেক কল্প নিয়ে শুরু হয় । দেহ অহংকার আসার সঙ্গে সঙ্গে আন্যান্য বিকার আসতে শুরু করে । এই কথা শাস্ত্রে লেখা আছে যে , দেবতারা বাম মার্গে অর্থাৎ বিকারে চলে গিয়েছিল । মায়ার বশ হওয়ার কারণে তারা পরবশ হয়ে যায় । তখন তারা পরমতে চলতে আরম্ভ করে । এখন তোমরা বাবার শ্রীমতে চলছো । আর পরমত হলো মায়ার মত । শ্রী অর্থাৎ শ্রেষ্ঠ মত হলো শিববাবার । আর পরমত হলো রাবণের মত , তাই বাবা বলেন , আসুরী সম্প্রদায় সব রাবণের শিকলে বন্দী হয়ে দুঃখে আছে ।

দুনিয়ার মানুষ তো সত্যযুগের আয়ু লাখ বছরের ভেবে বসে আছে । তোমরা তো এর সঠিক হিসাব জানো .....৫০০০ বছরের চক্র কেমন করে হয় । ক্রাইস্টএর ২০০০ বছর হয়েছে , বুদ্ধের ২২৫০ বছর , আবার ইসলাম ধর্মের ২৫০০ বছর হয়েছে । এই সব মিলিয়েই আধাকল্প অর্থাৎ দ্বাপর আর কলিযুগ । এর আগে তো দেবতাদের রাজ্য ছিলো , সত্য এবং ত্রেতা যুগ , তাহলে দেবতাদের রাজ্য কিভাবে লাখ বছরের বলা যাবে । এতো বছরে মানুষ তো আরো অনেক বেড়ে যাবে । এতো বছরের হিসাব তো হয়ই না । ৫০০০ বছরেই দেখা না কোটি কোটি মানুষ হয়ে গেছে । এই কথা বলা হয় যে ,ক্রাইস্টএর ৩০০০ বছর আগে এই ভারতে আদি সনাতন দেবী দেবতা ধর্ম ছিলো । ৫০০০ বছর এখন প্রায় পুরো হয়ে এসেছে । তাই এই বিশ্ব নাটকও পুরো হতে চলেছে । এই কথা কেউই জানে না । আমি কে , কেমন , এই চক্র কিভাবে ঘোরে তা এই দুনিয়ার মানুষ জানতে পারে না । বাবা তোমাদের বোঝান এখন গীতা এপিসোড চলছে । বাবা এসেই তোমাদের সহজ রাজযোগ শেখান । বাবা বুড়ো মানুষদেরও বোঝান , এই যোগ খুবই সহজ । শুধুমাত্র বাবাকে আর তাঁর বর্ষাকে স্মরণ করতে হবে । মানুষের যখন সন্তানের জন্ম হয় তখন তারা ভাবে যে বংশের উত্তরাধিকারীর জন্ম হলো । তেমনি তোমরা ভাবো যে তোমরা হলে বাবার উত্তরাধিকারী । ৫০০০ বছর বাদে আবার তোমরা বাবার সঙ্গে মিলন মানাতে এসেছো । এ খুবই গুপ্ত কথা । বাবা তোমাদের জিজ্ঞেস

করেন , তোমরা এর আগে কোনোদিন আমার সঙ্গে মিলেছো কি ? তোমরা বলো , হ্যাঁ বাবা । আত্মা এই মুখের দ্বারাই বলে - আমরা ৫০০০ বছর আগেই তোমার সঙ্গে মিলেছিলাম । তুমি এই ব্রহ্মার শরীরের দ্বারাই আমাদের শিক্ষা দিয়েছিলে । যারা খুব দূঢ় বাচ্চা তারা এই কথা বোঝে যে , আমরা বাবার থেকে বেহদের বর্ষা গ্রহণ করতে এসেছি । বাবা বলেন , তোমরা ব্রহ্মার দ্বারা বেহদের শিববাবার হয়ে গেছো । তাই তিনি বলেন , তোমরা কি আমাকে চেনো , আমি তোমাদের বাবা । তোমরা বলবে , হে বাবা , আমাদের আত্মাদের বাবা হলে তুমি পরমপিতা পরমাত্মা শিববাবা । বাবাও তোমাদের বলেন .....তোমাদের আমিই স্বর্গের অধিকারী করেছিলাম , স্বর্গে পাঠিয়েছিলাম , বর্ষা ( সম্পত্তি ) আমিই দিয়েছিলাম , কিন্তু তারপর মায়া তোমাদের থেকে এই রাজস্ব কেড়ে নিয়েছে , এখন আবার আমিই তোমাদের সত্যযুগের অধিকারী করার জন্য বর্ষা দিচ্ছি । মায়া তোমাদের থেকে এই বর্ষা ছিনিয়ে নেয় , বাবা এসে তোমাদের আবার এই বর্ষার অধিকারী করেন । এই খেলা অনেকবারই হয়েছে আবার ভবিষ্যতে হতেও থাকবে । এই খেলার অন্ত বা শেষ হবে না । বাচ্চার বাবার হয়ে যায় , কেউ কেউ সম্পূর্ণভাবে বাবার নিজের হয় , আবার কেউ কেউ শুধুই আসা যাওয়া করে । কেউ কেউ সত্য সন্তানতুল্য হয় আবার কেউ আবার সম্পূর্ণভাবে বাবার নিজের সন্তান হয়ে উঠতে পারে । যোগ বা জ্ঞানে কেউ কেউ খুব পাকা কেউ আবার কাঁচা হয় । পাকা সন্তানদের আবার কখনো কখনো মায়া একদম গ্রাস করে নেয় । বাচ্চারা বাবাকে বলে.... বাবা , যতদিন আমরা বাঁচবো , ততদিন তোমার থেকে বর্ষা নিতে থাকবো । বিকর্মের বোঝা তোমাদের মাথার উপর অনেক পরিমাণে আছে । তাই তোমরা যত বাবার স্মরণে থাকতে পারবে ততাই এই যোগ অগ্নির দ্বারা পাপ - আত্মা থেকে পুণ্য - আত্মায় পরিণত হতে পারবে । আগুন যে কোনো জিনিসকেই পবিত্র করতে পারে । আর তোমরা যোগ - অগ্নির দ্বারা পবিত্র হবে । এ হলো বেহদের যজ্ঞ । বেহদের শেঠ ( শিববাবা ) এই বেহদের যজ্ঞ রচনা করেছেন । কোনো যজ্ঞই এতো বছর ধরে চলে না । সমস্ত যজ্ঞই সাত , আট দিন বা খুব বেশী হলে এক মাসের জন্য রচনা করা হয় । আর তোমাদের এই যজ্ঞ তো কতো বছর ধরে চলছে । বাবাতো তোমাদের এই জ্ঞানের কথা শোনাতেই থাকেন । বাবা বলেন যে .....তোমরা ভুলে যেও না , শুধু তোমরা আমাকে স্মরণ করো, তাহলেই তোমাদের জন্ম জন্মান্তরের বিকর্মের বোঝা নাশ হতে শুরু করবে । ভগবান উবাচঃ .....তোমরা তোমাদের বাবাকে স্মরণ করো । বাবা নিশ্চই এই দুনিয়ায় এসেছেন , তাই তো তিনি এই কথা বলছেন ।

বাবা বলছেন ....এখন তোমাদের ঘরে ফিরে যাবার সময় হয়েছে । এখন তোমাদের আত্মা পতিত । এখন তোমরা জানো যে , এই যোগের দ্বারা তোমরা পবিত্র হতে পারবে । তোমরাই তো একদিন প্রতিজ্ঞা করেছিলে .....বাবা , তুমি যখন আসবে , আমরা সকল সঙ্গ ত্যাগ করে এক তোমার সঙ্গেই সর্ব সম্বন্ধ স্থাপন করবো । নিজেকে , তোমাকে নিবেদন করবো । স্বামী এবং স্ত্রী একে অপরের কাছে নিজেকে সমর্পণ করে , আর এখানে হলো বাবার কাছে নিজেকে নিবেদন করা । বিয়ে হলে একজন অপরজনের কাছে সমর্পিত হয় । এখন বাবা বলেন যে , কোনো মানুষের কাছেই তোমাদের নিজেকে সমর্পণ করতে হবে না । তোমাদের প্রতিজ্ঞাই হলো তোমরা বাবার কাছে সমর্পিত হবে । তোমরা যদি আমার কাছে নিজেকে সমর্পণ করো তাহলে আমি তোমাদের ২১ জন্মের জন্য সর্বদা সুখী বানিয়ে দেবো । কতো সুখ এবং শান্তির অধিকারী আমি তোমাদের করবো । তোমরা ভুলো না , শ্রীমতের দ্বারাই তোমরা শ্রেষ্ঠ হতে পারবে । লক্ষ্মী নারায়ণের ছবিও তোমরা ঘরে রেখে দাও । তোমরা বাবার থেকে এই বর্ষা নিচ্ছো । বাবা এখন পরমধাম থেকে এখানে এসেছেন । কিন্তু মায়াক্রপী চিলও কম

নয়া সবকিছু তোমাদের কাছ থেকে ছোঁ মেরে ছিনিয়ে নেয়। সবার কথা নয়, এই জ্ঞান ধারণ করার নশ্বর অনুসারেই এই মায়া কাজ করতে থাকে। কেউ কেউ তো একদম ভুলেই যায় যে তারা বাবার থেকে বর্ষা গ্রহণ করেছে। যখন তোমরা সেন্টারে থাকো তখন তোমাদের অনেক নেশা থাকে। সেন্টার থেকে বাইরে গেলেই তোমরা আবার ভুলে যাও, আবার অমৃতবেলায় বাবাকে স্মরণ করে ফ্রেশ হও আবার সারা দিন নানা কাজে বাবাকে ভুলে যাও। চার - পাঁচ বছর ভালো সেবা কাজ করেছে এমন লোককে আজকে আর দেখা যায় না। শ্রীমতের কোনোরকম অবজ্ঞা হলেই মায়ার থাপ্পড় জোরে লাগবে আর তোমাদের এই পথ থেকে সরিয়ে নিয়ে যাবে। বাবা বলেন যে, যদি তোমরা বাবার নেশায় ভরপুর হও তবে বাবার প্রেমে মগ্ন থাকবে, আর যদি বিপথগামী হও তবে ভেঙ্গে চূর্ণ হয়ে যাবে। তোমরা তো দেখো, কেমন করে কিছু বাচ্চা এমনই চূর্ণ হয়ে গেছে। বৈকুণ্ঠে তো অবশ্যই যাবে কিন্তু পদ নশ্বর অনুযায়ী পাবে। যদিও ওখানে সবাই সুখী জীবন পাবে তবুও উঁচু নীচু পদ তো থাকবেই। স্কুলেও তোমরা উঁচু পদ অর্থাৎ প্রথম, দ্বিতীয় হওয়ার জন্য পুরুষার্থ করো। এমন কথা কখনোই ভেবো না যে, প্রজার জীবনেই যাবো বা যা ভাগ্যে আছে তাই হবে। একে তমোপ্রধান পুরুষার্থ বলা হয়। সতোপ্রধান পুরুষার্থ তাকেই বলা হয়, যারা বাবার থেকে পুরো বর্ষা নেবার প্রতিজ্ঞা করে। এ হলো ঘোরদৌড় প্রতিযোগিতা। সবাই তো একনশ্বর হবে না। এ হলো মানুষের বাবার থেকে প্রাপ্তির দৌড়। তোমরা চাও যে, আমরা খুব তাড়াতাড়ি শিববাবার গলার হার হবো, তবে তারজন্য বাবাকে স্মরণ তো করতেই হবে। সমস্তকিছু এই স্মরণের উপর নির্ভর করে। কিন্তু মায়া এক এক সময় এতো বিঘ্ন এনে হাজির করে যে একদম এই প্রতিযোগিতা থেকে বার করে দেয়। এই হলো তোমাদের মানুষ থেকে দেবতা হবার প্রতিযোগিতা। আত্মারা বাবাকে বলে যে, বাবা, আমরা খুব দুঃখী হয়ে গেছি। বার বার শরীর ধারণ করতে করতে আমরা পরিশ্রান্ত। এখন আমরা বাবার কাছে যেতে চাই। এর জন্য বাবা তো অনেক যুক্তিই বলেছেন। তোমরা বলো, বাবা, আমরা তোমার স্মরণেই থাকবো। যতটা সময় বার করতে পারো ততই তোমাদের পক্ষে ভালো। সরকারী কাজেও তোমরা আট ঘন্টা সময় দাও, তেমনই বাবার স্মরণে তোমাদের এই আট ঘন্টা সময়ই দিতে হবে। এই সৃষ্টিকে স্বর্গ বানানো তো খুব বড় সেবার কাজ। শুধু বাবাকে স্মরণ করো আর সঙ্গে সঙ্গে সুখধামকে স্মরণ করো। ব্যস, এই আট ঘন্টা স্মরণ আর সেবা করলেই তোমরা পুরো বর্ষা পেতে পারবে। এমনভাবে স্মরণ করতে পারলে তোমাদের বিকর্ম বিনাশ হবে। আট ঘন্টা বাবার স্মরণ আর সেবায়, আর বাকি ১৬ ঘন্টা সময় তোমরা ফ্রি থাকো। যতো পারো তোমরা ক্ষণে ক্ষণে বাবাকে স্মরণ করো। স্মরণ তো তোমরা যেখানে খুশী বসেই করতে পারো। সবথেকে ভালো সময় তোমরা সকাল বেলা পাবে। সিন্ধুতে একটা কথা আছে .....সকাল সকাল শোয়া.... সকাল সকাল ওঠা .....সেই মানুষই অনেক গুণবাণ। এই গায়নও এখনকার জন্য প্রযোজ্য। বাবা বলেন যে রাতে তোমরা তাড়াতাড়ি শুয়ে পড়, তারপর ভোর ভোর ওঠো। অজ্ঞানী লোক আট ঘন্টা ঘুমিয়ে কাটায়, তোমাদের ঘুম কিন্তু এর অর্ধেক হওয়া চাই। চার - পাঁচ ঘন্টা ঘুমই যথেষ্ট। তোমারই তো হলে কর্মযোগী। রাতে দশটার সময় শুয়ে পড়ো, আবার ২ টোর সময় উঠে পড়ো। শিববাবাকে স্মরণ করতে পারলে তোমাদের অনেক সৌভাগ্য জমা হবে। তোমরা স্বাস্থ্য এবং সম্পদ দুটোই প্রাপ্ত করতে পারবে। আচ্ছা, ২ টোর সময় না পারলে ৩ টোর সময় ওঠো, নাহলে ৪ টোর সময়। এটা খুবই সুন্দর সময়। এই সময় শান্তি থাকে এবং তোমরা অশরীরী স্থিতিতে থাকতে পারো। এইসময় পৃথিবী নিস্তব্ধ থাকে। অমৃতবেলার স্মরণ তোমাদের উপর খুব ভালো প্রভাব ফেলে। অনেকেই অনেক রাত অবধি জেগে থাকে। কিন্তু সূক্ষ্ম সেবায় কোনো পরিশ্রম হয় না। এই সম্পত্তির

কামাই থেকে তো তোমাদের খুশি থাকা উচিত । তোমরা বাচ্চারা ভোরবেলা উঠে এই অবিনাশী কামাই করতে থাকো । আচ্ছা ।

মিষ্টি - মিষ্টি হারানিধি( সিকিলধে) বাচ্চাদের প্রতি মাতাপিতা , বাপদাদার স্মরণ , ভালোবাসা এবং সুপ্রভাত । রুহানী বাবার রুহানী বাচ্চাদেরকে নমস্কার ।

ধারণার জন্য মুখ্য সার :-

১) ২১ জন্মের জন্য সর্বদা সুখী থাকার জন্য বাবার কাছে নিজেকে সম্পূর্ণ নিবেদন করতে হবে । বাবার শ্রীমতের দ্বারাই নিজেকে শ্রেষ্ঠ হতে হবে । মনমত বা পরমতকে ত্যাগ করতে হবে । শ্রীমতের কোনো অবজ্ঞা করা চলবে না ।

২) ভোরবেলা উঠে বাবার স্মরণে বসে এই অবিনাশী কামাই করতে হবে । এই সৃষ্টিকে স্বর্গ বানানোর সেবা কম করে আট ঘন্টা করতে হবে ।

বরদান :- ঈশ্বরীয় ভাগ্যতে লাইটের মুকুট প্রাপ্ত করে সর্ব প্রাপ্তিস্বরূপ হও ( ভব ) ।

এই দুনিয়াতে ভাগ্যের চিহ্ন হলো রাজস্ব প্রাপ্তি আর এই রাজস্ব প্রাপ্তির চিহ্ন হলো রাজমুকুট । তেমনই ঈশ্বরীয় ভাগ্যের চিহ্ন হলো লাইটের মুকুট । আর এই লাইটের মুকুটের প্রাপ্তির আধার হলো পবিত্রতা । যারা সম্পূর্ণ পবিত্র আত্মা তাঁরা লাইটের মুকুটধারী হওয়ার সঙ্গে সঙ্গে সর্ব প্রাপ্তিতেও সম্পন্ন হতে পারে । যদি কোনো প্রাপ্তি কম হয় তবে এই লাইটের মুকুট স্পষ্ট দেখা যাবে না ।

স্লোগান :- নিজের আত্মিক স্থিতিতে স্থির থাকা আত্মারাই মানসিক দিক দিয়ে মহাদানী হতে পারে ।